

Headline	MENUJU WARISAN DUNIA		
MediaTitle	Utusan Malaysia		
Date	04 Dec 2017	Color	Full Color
Section	Mega	Circulation	171,663
Page No	17	Readership	563,000
Language	Malay	ArticleSize	664 cm ²
Journalist	LAUPAJUNUS	AdValue	RM 13,244
Frequency	Daily	PR Value	RM 39,732





KEADAAN hutan FRIM pada 1929.

MENUJU WARISAN DUNIA



FRIM
Tapak Warisan
Semula Jadi Negara

Oleh **LAUPAJUNUS**
laupajunus@hotmail.com

KEDUDUKANNYA sebagai hutan tropika buatan manusia yang masih terpelihara di di sekitar Lembah Klang bukan sahaja menjadikan Perhutanan Malaysia (FRIM) atau Tapak Warisan FRIM sangat bernilai dari segi bekalan oksigen, tetapi amat penting dari segi keseimbangan alam sekitar serta perlindungan kepada flora dan fauna.

Justeru, ada sebab mengapa hutan tropika buatan manusia terbesar dan tertua di dunia yang terletak berhampiran bandar raya Kuala Lumpur ini perlu terus dipelihara dan dipulihara agar dapat diwarisi oleh generasi akan datang.

Pelbagai anugerah diterima oleh FRIM antaranya Tapak Warisan pada 2009 dan Warisan Kebangsaan pada 2012 membuktikan ia menjadi khazanah yang penting pada masa akan datang.



FRIM menjadi aset kepada negara dengan kekayaan flora dan faunanya.

Menyedari akan kepentingan itulah, maka kerajaan menerusi Kementerian Sumber Asli dan Alam Sekitar khususnya FRIM serta Kementerian Pelancongan dan Kebudayaan kini dalam proses mengangkat martabat hutan buatan manusia ini sebagai satu daripada Tapak Warisan Dunia (WHS) di bawah kategori kebudayaan.

Untuk tujuan tersebut, FRIM bekerja sama dengan Jabatan Warisan Negara (JWN) bagi proses pencalonan sebagai WHS Pertubuhan Pendidikan, Sainifik dan Kebudayaan Bangsa Bangsa Bersatu (UNESCO).

Selaras dengan itu, sebuah jawatankuasa penyalaras dibentuk dengan dianggotai

oleh FRIM dan JWN. Di peringkat FRIM, ia diketuai oleh Ketua Pengarahnya Datuk Dr. Abdul Latif Mohmod, manakala sekretariat bagi menggerakkan wawasan WHS ini dipertanggungjawabkan di bawah Program Pengurusan Tapak Warisan FRIM (FRIM-WHS), Bahagian Perhutanan dan Alam Sekitar agensi berkenaan.

Usaha ke arah mendapat pengiktirafan WHS itu telah bermula sejak 2012 lagi selepas dipilih sebagai Warisan Kebangsaan dengan empat langkah strategik iaitu mewujudkan rangkaian hubungan kerjasama, proses dokumentasi dan pencalonan serta misi penilaian dan pengiktirafan.

Inisiatif bermula dengan penubuhan sekretariat khas di bawah FRIM, membangunkan

rangkaiannya dengan mewujudkan kerjasama dengan pelbagai rakan strategik dan pemegang taruh (*stakeholders*) termasuk Kerajaan Negeri Selangor, memandangkan FRIM terletak dalam negeri berkenaan. Wawasan ini turut mendapat sokongan dana di bawah Rancangan Malaysia ke-11. Ketua sekretariatnya, **Noorsihah Ayop** berkata, pada 2015 hingga tahun lalu proses dokumentasi dimulakan dengan membentuk Pelan Rangka Kerja usaha pencalonan Kampus FRIM sebagai WHS-UNESCO menerusi fakta nilai keunggulan sejagat atau *outstanding universal value (OUV)* dan penetapan zon teras dan zon penampakan tapak. Hasil daripada ketiga-tiga tindakan tersebut, dokumen pencalonan dikenali sebagai

dossier dan pelan pengurusan tapak iaitu *conservation management plan (CMP)* dihasillkan serta usaha publisiti dan hebahatan atau promosi tapak turut dimulakan.

Bermula tahun ini pula sehingga tahun depan, proses penyediaan dokumen *tentative list*, dokumen pencalonan dan CMP dimulakan menerusi penubuhan jawatankuasa khas yang dianggotai bersama oleh JWN dan FRIM sebelum misi penilaian oleh Majlis Antarabangsa Bagi Tapak dan Monumen (ICOMOS) dijalankan.

Misi ke arah menjadikan Tapak Warisan FRIM atau FRIM Selangor Forest Park sebagai tapak warisan dunia turut dibantu oleh tiga felo pakar yang dilantik iaitu bekas Ketua Pengarah JWN, Prof. Emeritus Datin Paduka Dr. Zuraina Majid; pakar botani UKM, Prof. Emeritus Datuk Dr. Abdul Latif Mohamad dan bekas Timbalan Ketua Pengarah FRIM, Dr. Francis Ng.



FRIM
INSTITUT HAYATI
SEKUTERA MALAYSIA